

SOLICITÚ DE PROYECTU DE DISEÑU Y REALIZACIÓN DE CAMPUS DE BRANU Y NAVIDÁ 2021 EN LLABORAL CIUDÁ DE LA CULTURA

EL PROYECTU.

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP) tien encamentada la xestión, ente otros equipamientos culturales de la rexón, de Llaboral Ciudad de la Cultura en Xixón, que tien ente los sos fines la prestación de too tipu de servicios y actividaes culturales.

Llaboral promueve un programa cultural y d'ociu que tien como finalidá (ente otros) ufiertar actividaes de calidá al públicu infantil y familiar, averando a la población al mundu de les artes dende les edaes más tempranes.

Por ello plantégase esta solicitú de proyectos de Campus con un oxetivu doble: per un llau, ayudar a les families a conciliar en momentos vacacionales la so vida personal y llaboral al traviés d'esta actividá, y per otru, ufiertar a los/les más pequeños/es actividaes didáctiques y lúdiques onde puean esfrutar, aprender y rellacionase, nun entornu seguru.

Pa cumplir estos oxetivos realiza la presente solicitú de proyectos pola que se va escoyer la propuesta que llogre meyor valoración, que va llevase a cabu nos períodos de branu y navidá 2021.

1.- OXETU DE LA CONVOCATORIA.

L'oxetu de la presente convocatoria ye la selección d'un proyectu de Campus (branu y navidá) y su posterior realización nes instalaciones de Llaboral Ciudad de la Cultura.

El **Campus de Branu** va facese a lo llargo de 8 selmanes del branu 2021, nos meses de xunetu y agostu, sacando la Selmana Grande de Xixón. Habrán diseñase diverses sesiones temátiques con calter selmanal. Les xornaes han ufiertase nestos términos:

- El Campus ha tar empobináu a neños/neñes de 3 a 12 años, estremaos por edaes nos tramos 3 a 5 años / 6 a 12 años. Pa participar nel Campus, los neños y neñes de 3 años han tar yá escolarizados.
- Habrá facese en formatu selmanal (de llunes a vienres) nestes selmanes:
 - 5 a 9 xunetu 2021
 - 12 a 16 xunetu 2021
 - 19 a 23 xunetu 2021
 - 26 a 30 xunetu 2021
 - 2 a 6 agostu 2021
 - 16 a 20 agostu 2021
 - 23 a 27 agostu 2021
 - 30 agostu a 3 setiembre 2021

- Habrá ufiertase opción de **media xornada** (de 9:00 a 14:00 hores) o **xornada ampliada** (habrá especificase la propuesta d'horariu ampliáu, que como máximo podrá estendese hasta les 17:00 h).

A tener en cuenta que nun va haber serviciu na Cafetería de la Llaboral pa les comíes (actualmente zarrada al públicu), polo que la empresa axudicataria habrá proponer cualquier opción que considere que se pue llevar a cabu pela so parte.

Va valorase positivamente la **opción de madrugadores** (entrada anticipada primero de les 9:00 hores).

El **Campus de Navidá** va tener llugar a lo llargo de 2 selmanes, quitando los festivos, coincidiendo col calendariu escolar pal períodu navidiegu 2021-2022. Van diseñase delles sesiones temátiques con calter diariu. Les xornaes van ufiertase nestos términos:

- Un solu rangu d'edá de 3 a 9 años. Pa participar nel Campus, los neños y neñes de 3 años han tar yá escolarizados.
- Posibilidá d'apuntase a díes sueltos o selmana completa (selmanas de 4 xornaes: selmana avientu / selmana xineru)
- Diariu, estos díes (**podría llegar a sufrir cambeos de fecha en función del calendariu escolar 2021-22*):
 - Llunes 27 d'avientu 2021
 - Martes 28 d'avientu 2021
 - Miércoles 29 d'avientu 2021
 - Xueves 30 d'avientu 2021
 - Llunes 3 de xineru 2022
 - Martes 4 de xineru 2022
 - Miércoles 5 de xineru 2022
 - Vienres 7 de xineru 2022
- Xornada de 9.00 a 14.00 hores

Va valorase positivamente la **opción de madrugadores** (entrada anticipada primero de les 9:00 hores).

El resultáu económicu de l'actividá va ser pa la empresa axudicataria del proyectu, ensin intervenir la SPXP nesti sentíu.

La comisión aplicable pol usu del sistema de venta de entraes de Liberbank (pagos con datáfonu na taquilla y ventes online) habrá asumila l'axudicataria del Campus, descontándose esta de la cantidá a ingresar poles ventes de l'actividá.

Liberbank va tresferir a la empresa axudicataria la parte de la recaldación correspondiente a la venta electrónica (tarxeta de débitu/creitu y venta online), depués descontar les comisiones de venta de cada canal y cualquier otra tasa o impuestu aplicable llegalmente, a mes vencíu nel casu del Campus de Branu y a selmana vencida nel casu del Campus de Navidá. La recaldación de les ventes d'efectivu ha entregase a la empresa axudicataria na fecha acordada ente les partes.

Llaboral Ciudá de la Cultura pel so llau apurre:

- Instalaciones pa desenvolver de les actividaes col montaxe y medios técnicos requeríos pa ello
- Promoción y difusión del Campus
- Serviciu d'información y venta d'entraes
- Canales de venta (Recepción de la Llaboral y venta online)

Con esta convocatoria establécense les bases y requisitos poles que se va rexir el procedimientu pa la selección del proyectu con respectu a los principios de publicidá, llibre concurrencia y oxetividá.

2.- PUBLICACIÓN Y PUBLICIDÁ.

Esta convocatoria y bases, lo mesmo que la resolución del procedimientu, ha publicase na páxina web de Llaboral Ciudad de la Cultura: www.laboralciudaddelacultura.com mesmo que na páxina web de Asturias Cultura en Rede: www.asturiesculturaenrede.es ensin perxiciu de los medios complementarios de difusión que la SPXP quiera usar.

3.- SOLICITANTES.

Van poder participar nesta convocatoria les persones físiques o xurídiques que desenvuelvan la so actividá principal nel ámbitu de la investigación o programación d'actividaes culturales, didáctiques, educatives y artístiques.

Los y les monitores que lleven a cabu l'actividá y tean en contactu colos grupos infantiles han presentar el Certificáu de Delitos de Naturaleza Sexual primero d'empezar el Campus.

4.- CARACTERÍSTIQUES DE LOS PROYECTOS PA CONCURRIR A ESTA CONVOCATORIA.

Les característiques qu'habrán tener y especificar les propuestas son estes:

Campus de Branu

- Descripción del programa d'actividades y horarios. El desenvolvimientu de les sesiones ha incluir tiempos d'actividá y de récreu, estos últimos siempre supervisaos polos/es monitores.
- El desenvolvimientu temáticu de cada selmana ha ser asina:

Propónense 4 temátiques selmanales distintes que se repiten pa cubrir el total de les 8 selmanes (temática 1, temática 2, temática 3, temática 4, y otra vuelta temática 1...) con actividaes diverses vinculaes sobre manera a les artes plástiques y escéniques. Cada selmana temática ha tener un nome/títulu que la identifique.

- Podrán incluíse dientro del cuadrante d'actividaes visites al **Xardín Botánicu Atlánticu**, por ser un equipamientu d'interés que s'alcuentra na redolada de

Llaboral, ensin qu'esto suponga un costu más a la empresa axudicataria. La xestión d'estes visites correría a cargu de la Llaboral de forma coordinada cola empresa axudicataria, siempre que seya posible y seguro, en función de les restricciones vixentes y de la evolución de la pandemia.

- Nel desenvolvimientu del Campus d'esti branu tamién se busca que tengan un pesu específicu actividaes y/o procesos de trabayu con aplicación en **materia sostenible** col oxetivu de concienciar y sensibilizar a los participantes dende edaes tempranes en valores como'l respetu, la preservación y la puesta en valor de los recursos culturales. Nel programa del Campus pídese la integración d'actividaes sostenibles en materia social, ambiental y cultural.
- Amás, con una frecuencia selmanal ha contemplase nel cronograma una actividá en **llingua asturiana**.

Campus de Navidá

- Descripción del programa d'actividades y horarios. El desenvolvimientu de les sesiones ha incluir tiempos d'actividá y de recréu, estos últimos siempre supervisaos polos/es monitores.
- El desenvolvimientu temáticu de cada xornada ha ser asina:

Propónense 8 sesiones diaries distintes con actividaes diverses vinculaes a les artes plástiques y escéniques, desarrollando la creatividá y la imaxinación y cola Navidá como filu conductor, ensin dexar de llau la tradición cultural, los personaxes, l'averamientu a otres cultures y la música d'estes feches.

Cada xornada temática ha tener un nome/títulu que la identifique.

Va valorase positivamente la incluir dientro del programa d'actividaes la visita de "Aliatar" la xornada del 5 de xineru

- Nel desenvolvimientu del Campus de Navidá tamién se busca que tengan un pesu específicu actividaes y/o procesos de trabayu con aplicación en **materia sostenible** col oxetivu de concienciar y sensibilizar a los participantes dende edaes tempranes en valores como'l respetu, la preservación y la puesta en valor de los recursos culturales. Nel programa del Campus pídese la integración d'actividaes sostenibles en materia social, ambiental y cultural.
- Amás, con una frecuencia selmanal ha contemplase nel cronograma una actividá en **llingua asturiana**.

Común pa los dos Campus:

Tolos espacios escoyíos pa l'actividá han cumplir la llexislación vixente en materia de seguridad, la referida a prevención de riesgos llaborales y les midíes decretaes y vixentes en materia de seguridad y prevención del COVID-19.

Medios técnicos y humanos: Los profesionales o entidades han aportar los medios técnicos (de los que nun disponga la sede) y humanos que seyan precisos pal desenvolvimientu de l'actividá, mesmo que los materiales funxibles.

Lo/as monitores qu'impartan el Campus han tener conocimientos de los temes a desarrollar en cada sesión, con vinculación llaboral o mercantil cola empresa adjudicataria d'alcuertu cola llegalidá vixente. Va valorase positivamente que los monitores tengan formación en primeros auxilios y la disponibilidad de personal especializao en NEE.

Han disponer de **teléfonu móvil** de contactu tanto'l coordinador como el/la monitor/a que más horas de trabayu desempeñe nel centru.

5.- PRESENTACIÓN DE SOLICITÚES. FORMA DE PRESENTACIÓN.

La solicitú ha unviase por email al corréu eventos@turismoycultura.asturias.es

En presentándola, el/la solicitante va recibir acuse de recibu per corréu electrónicu.

La hora y fecha límite de presentación de les solicitúes van ser les **14:00 hores del día 13 de mayu del 2021**.

Información qu'ha recoyer el proyectu que se presenta:

- De forma completa pero curtia hai que desarrollar el **cronograma del conteni de caúna de les sesiones** y actividaes programaes, mesmo que **pone-y un títulu** a caúna de les **semanes temátiques** d'actividá nel casu del Campus de Branu, y a caúna de les **xornaes diaries** d'actividá nel casu del Campus de Navidá.
- Hai qu'especificar **númeru máximu de participantes por grupu**, mesmo que la ratio **de monitor por neñu/a**. Igualmente hai qu'indicar si fai falta un númeru mínimu de participantes pa que salga alantre l'actividá.
**Los aforos han ser flexibles y axustase siempre en función de les condiciones sanitaries y las restricciones vixentes*
- Hai qu'apurir información relativa a la **formación académica y esperiencia llaboral de los y les monitores** que van tar a cargu de los grupos de neños/es del Campus.
- Hai qu'especificar el **PVP** de l'actividá (tanto pa Branu como Navidá) pa los asistentes, mesmo que les variables mentaes anteriormente. Han contemplase precios generales y precios más arreglaos pa los nuestros socios del **Club Cultura / carnet escolar**.
Amás, nel casu del Campus de Branu, ha ofrecese un descuentu pa los/es participantes **que compren 2 o más selmanes, o cuando compren entrada dos neños/es de la mesma unidá familiar** (non acumulable a otros descuentos).

Nel casu del Campus de Navidá, ha ofrecese un descuentu a los y les participantes que compren **toles sesiones d'una mesma selmana** (avientu / xineru). Non acumulable a otros descuentos.

- Ye necesaria una descripción pormenorizada de les **necesidaes técniques** (non aportaes pola entidá que concurre a la convocatoria)
- Fotografía/es ilustrativa/es del proyectu.

6.- VALORACIÓN DE LOS PROYECTOS Y AXUDICACIÓN

Podrán pidise a los/as interesado/as toles aclaraciones, información o documentación complementaria que seya necesaria pa valorar correctamente los proyectos.

La resolución va comunicase a los interesado/as enantes del 1 de xunu del 2021 y va publicase na web de Llaboral Ciudad de la Cultura: www.laboralciudadde lacultura.com mesmo que na páxina web de Asturias Cultura en Rede: www.asturiesculturaenrede.es

Criterios de valoración. Les propuestes presentaes van calificase como “Seleccionada” y “Non seleccionada”, valorando la so adecuación a estos criterios:

- La calidá, orixinalidá y calter novedosu del proyectu. Ha tenese en consideración el grau d'ellaboración, detalle y concreción de la propuesta, mesmo que la capacidá de adaptase en casu de cambeos de les midíes restrictives vixentes pa la contención del COVID-19.
- El facer el númberu mayor posible d'actividades al aire llibre
- L'incluyir nel programa actividaes n'inglés
- La programación d'actividaes relacionaes con tecnoloxíes nueves
- El procuru especial y fomentu, al traviés de les actividaes programaes, de la educación emocional, social y en valores.
- Va tenese especial consideración con aquelles propuestes que fomenten la igualdá y la diversidá, qu'usen un llinguaxe inclusivu, que promuevan una mayor visibilidá de la muyer, y/o que propongan discursos dende la identidá de xéneru.
- La esperiencia y trayectoria de los profesionales y entidaes nel desenvolvimientu d'estes actividaes, igual que la formación de los monitores que van atender a los grupos del campamentu.
- La ufierta d'un serviciu de madrugadores, con entrada anticipada pa los participantes que lo quieran/precisen
- L'adequación y especialización del Campus a neños/es con necesidaes especiales, si se diera'l casu
- L'adequación del PVP al númberu de profesionales involucraos (ratio monitor/menores) y los medios técniques y materiales funxibles que s'aporten.
- La minuciosidá de los protocolos y plan de continxencia pa la prevención del COVID-19

7.- FORMALIZACIÓN DEL CONTRATU.

N'axudicándose'l proyectu a la entidá seleccionada, han formalizase los correspondientes contratos (contratu LOPD y contratu d'actividá). El plazu pa la formalización d'estos contratos ha ser siempre de, polo menos, 7 días primero de la fecha d'empiezu de l'actividá. El trescursu d'esi plazu ensin que se llegue a formalizar el contratu por causes imputables al solicitante ha provocar la caducidá de la solicitú, la perda de los derechos que pudieren corresponde-y y la esclusión del proyectu.

8.- OBLIGACIONES DE LA ENTIDAD SELECCIONADA.

En casu de resultar seleccionada la so propuesta, l'axudicatariu comprométese a:

- Llevar a cabu'l proyectu nes feches, hores y términos alcordaos.
- Poner a disposición de la SPXP los materiales gráficos y audiovisuales al so alcance pa facilitar la promoción y difusión del campus.
- Esparder al través de los sos medios información sobre l'actividá (web, redes sociales, mailing, etc.) y colaborar cola SPXP na atención a los medios de comunicación en casu de que faiga falta.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar el protocolu y plan de continxencia pa la prevención COVID-19.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.

9. - ACEPTACION DE LES BASES

La presentación d'un proyectu a esta convocatoria supón l'aceptación automática y completa d'estes bases.